



REPUBLIKA E SHQIPËRISË
MINISTRIA E FINANCAVE

DREJTORIA E PËRGJITHSHME E TATIMEVE
DREJTORIA E SHËRBIMIT PËR TATIMPAGUESIT
SEKTORI I ASISTENCËS DHE SHËRBIMIT

Nr.20165/1 Prot.

Tiranë, më 6.9.2017

Lënda: Kthim përgjigje

TELEVIZIONIT KLAN
EMISIONIT INVESTIGATIV "STOP"
Rr."Aleksandër MOISIU", Nr.97

Tiranë

Në përgjigje të kërkesës tuaj datë 28.08.2017, të protokolluar në Drejtorinë e Përgjithshme të Tatimeve me nr. 20165 Prot., datë 28.08.2017, bazuar në ligjin nr. 119/2014, datë 18.09.2014 "Për të drejtën e Informimit", regjistruar në regjistrin e kërkesave dhe përgjigjeve me numër rendor 33, me lëndë: "Informacion", pas shqyrtimit të kërkesës, e cila ishte në përputhje me nenin 11 të Ligjit të sipërcituar, ju informojmë sa më poshtë vijon:

1. Ligji 9920 datë 19.05.2008 "Për procedurat tatimore", i ndryshuar, në nenin 122, pika 3 përcakton se: *"Moslëshimi i biletave të shërbimit me vlerë të parashtypur, të prodhuara nga institucionet e autorizuar, të përdorura në sektorë të ndryshëm, dënohet me gjobë, në masën 10000 (dhjetë mijë) lekë për çdo biletë."*
2. Shoqëritë e transportit, si çdo tatimpagues kanë detyrim për të deklaruar dhe paguar tatimet për të cilat janë përgjegjëse, siç janë Tatimi mbi Fitimin, Tatimi mbi vlerën e shtuar çdo datë 14 të muajit pasardhës që pason periudhën e deklarimit, Kontributet e sigurimeve shoqërore dhe shëndetësore, Tatimi mbi të Ardhurat nga Punësimi, etj. Qarkullimi i aktivitetit "Shërbim transporti" përbëhet nga totali i biletave dhe aboneve të shitura dhe bashkë me shpenzimet e zbritshme përcakton edhe fitimin e këtij aktiviteti.

Bazuar në ligjin nr.8438, datë 28.12.1998 "Për tatimin mbi të ardhurat", i ndryshuar, Neni 19, : *"Fitimi i tatueshëm për periudhën tatimore përcaktohet në bazë të bilancit dhe të anekseve të tij, që duhet të jenë në përputhje me ligjin "Për kontabilitetin dhe pasqyrat financiare", me dispozitat e këtij ligji, si dhe me aktet nënligjore të nxjerra nga Ministria e Financave për këtë qëllim."*

3. Shërbimi i transportit të linjave të qytetit të Tiranës kryhet nga subjekte të cilat kanë përgjegjësinë tatimore të Tatimit mbi Fitimin, pra janë Biznes i Madh, dhe si për të gjitha subjektet e këtë përgjegjësi tatimore, shkalla tatimore e aplikueshme mbi fitimin e tatueshëm është 15 për qind, neni 28 I Ligjit nr.8438, datë 28.12.1998 “Për tatimin mbi të ardhurat”, i dryshuar.

DREJTOR I PËRGJITHSHËM

Vasilika Vjero

